


3-13

# მწყმისი



მე ვარ მწყემსი კეთილი: მწყემსმან კეთილმან სული თვისი დაჰსდვის ცხოვართათვის. იოან. 10—11.  
 შპოვე ცხოვარი ჩემი წაწყმედული. მსრეთ იყოს სიხარული. ცათა შინა, ერთისათვის ცოდვილისა. ლუკ. 15—4.  
 შოვედით ჩემდა ყოველნი მაშურალნი და ტვირთ-მძიმენი და მე განგისვენოთ თქვენ. მათ. 11 28.

## შ ი ნ ა ა რ ს ი:

**სალიტერატურო განყოფილება:** ფიქრები და შენიშვნები 1899 წ. დამდეგს — ზნეობის სწავლა. — რად გვეშინია საკვილის — კორესპონდენცია ნაჯახოდან. — სახალწლოდ (ლექსი). — ჩემი სიმბოლო (ლექსი). — ახალი ამბები და შენიშვნა.  
**სწავლა და მაცნეობა** ჰრისტიანობრივ სარწმუნოებასა და კეთილ-ჯნეობაზე: სიტყვა, თქმული ეპისკოპოსის-ს ლეონიდის მიერ, აბიბოს, ნეკრეს უბისკოპოსის ხსენების დღეს — ოჯახის კერა. მამაკაცი და დედაკაცი: ცოდვები.  
**საზიკრო და სასარგებლო** ცნობათა განყოფილება: საეკლესიო კითხვების განმარტება. რედაქციის პასუხი. — განცხადებანი

## რედაქციისათვის.

ჩვეულებრივი, მუდმივ განუწყვეტელი კავშირი ჩვენის ხელის მომწერლებთან, «მწყემსი»-ს დაარსებიდანვე დამყარებული, ვალად გვადებს ჩვენი ჟურნალის პირველი №-რი გაუგზავნოთ ყველას, ვინც წარსულს წელში იწერდა იმის და მიუხედავად დაბარებულია ჟურნალი საამწლოდაც თუ არა. მეტადრე მიტომ, რომ ზოგიერთები სამღურავსაც გვიცხადებდნენ უნდობლობისა და ჟურნალის დაუბარებლად გაუგზავნელობისათვის. შემდეგი №-რი კი აღარ გაეგზავნებათ მათ, ვინც ფულის წარმოგზავნით ან წერილით ჟურნალს არ დაიკვეთს. მსურველთ ნაწილ-ნაწილადაც შეუძლიათ ფულის შემოტანა.

## შიკაბი და შენიშვნები 1899 წ. დამდეგს.



ამოსათხივარ წერილში წარსული წლის დამდეგს ჩვენ მიუიქცით მკითხველისადმი ამ ახალი წლის დაწეების გამო რამდენიმე სიტყვით ჭ ჩვეულებისძებრ მიუულოცეთ წარსულის წლის მშვიდობით დასრულება და მომავლის მშვიდობით მიგებება. კმარა, ვკონებთ, ის, რაც ვსთქვით და მეტი საჭიროც აღარ არის. ჩვენ ვერ მიგვჭეუებით «ივერიის» მსგავსად წარ-





სულასა და მომავალი წლის წევრებსა და მკვლევარებს იმ მიზნით, რომ არც წარსულ წელში «ეკარა რაბე» და არც მომავალში ეგრეობა რაბე სახეიროთ. ამ განხეთის აზრით თუ საზოგადოებისათვის რაბე კეთილი ხდება ქვეყანაზედ, ეს სულ წელიწადის ბრალია და აზრით თუ საზოგადოების. საკვირველი აზრების არეულობა! განსაოცარი, დღემდის კიდევ ბევრს ვერ შეუცნია, თუ რისთვის ეძლევა კაცს დრო და ჟამი და როგორ უნდა მოიხმაროს მნიშვნელოვანი. მეორე ჟურნალის ჰუმანიტარული გამოცდებანი და გაიძახიან:

«რა მოხდა გასულ წელს? რა მოხდინა გასულმა წელმა? რა კითხვები არ წამოაუენა? კითხვა მრომის და გამდიდრების, კითხვა აზრის და მამართულების, კითხვა მწერლობის და ხელოვნების, კითხვა ოპის და მშვიდობიანობის, ენის და ზნე-ჩვეულების—სულ კითხვა, კითხვა და კითხვა...»

„ამ კითხვათა შორის არის ერთი, რომელიც ჩვენ უველას გვფიქრებს და გვამფოთებს, რომელიც მუდამ ძვალ წინ გვიტრიალებს და მოსვენებას არ გვაძლევს. ეს კითხვა ვიქნებით ქვეყანაზე და, ან როგორ ვიქნებით? ვიცხოვრებთ და ან როგორ ვიცხოვრებთ? ამის პასუხი, კაი ხანია, მზათ აქვს ჩვენ ევრეთ წოდებულ, საზოგადოებას, ჩვენი, საქმე წასულია. ქართველთა მკრძინი საეჭვოა, საქართველო დღით-დღე სუსტდება, უძღურდება და იდუპება—გაიძახიან, თუ წერენ ისინი. და მას ზოგი გლოვობს, ზოგი კი თავის სასარგებლოთ იუენებს. საქართველო იდუპება! მართალია მერე ეს? დიან, მართალია, ის იდუპება, მართალია, რომელი საქართველო? რომელი და საქართველო უკან-ჩამორჩენის, საქართველო ბატონ-უპობის, უვიცობის—ერთი სიტყვით, იდუპება ძველი საქართველო და განა ეს უნდა ვიგლოვოთ, ეს უნდა დფიცვათ, ეს უნდა გავხანგრძლივოთ? არა, ათასჯერ არა...“

ველარც არაფერი ამ ჰუმანიტარული გამოცდების გაგვიკია!! ძველი.. მოკვდაო, ამას კი არ უნდა ვწუხდეთ, არამედ უნდა გვიხაროდეს, რადგან

ძველი დრო უცნურებისა, სიბნელისა, მტარვალობისა და უცოდინარობისა მოკვდა და ახალი ბედნიერი დრო განათლებისა, სათნოებისა, კაცთ-მოყვარებისა და გამდიდრებისა დადგა... უოველი სიტყვა ამ ჰუმანიტარული გამოცდების ნათლად ამტკიცებს, რომ ეს ჰარები ძველი დროის და ხალხის ცოდნაში ძეტათ უვიცნი არიან. თუ რაიმეს ამბობენ, ამას ჩვენი ერისა და ისტორიის დინჯი და დაკვირვებული შესწავლა კი არ უღვეს საფუძვლად, არამედ ოცნებით წარმოდგენილი ან განაგონობით შეთვისებული რაიმე უსაფუძვლო ცნობები. თორემ გვიკვირს, ან კი საიდან იძენენ ეს ჰარები ასე ძალე საკმაო და საგულისხმო ცნობებს, რომ ასე დაწმუნებით და მოჭრით გაიძახიან თავის აზრს და საბოლოო დასკვნას ჩვენს წარსულსა და აწმუოზე!.. მით უფრო, როდესაც ჩვენ არავითარი საკმაო და სარწმუნო მასალა არ მოგვეძეება, სავსებით წარმოვიდგინოთ ჩვენი ცხოვრების სურათი მეტადრე წარსულისა და მიმდინარე საუკუნის შესახებ. არსად არ არის სამხელო და საბრთხილო რაიმე აზრის წარმოთქმა წარსულის შესახებ ისე, როგორც ჩვენში, მაგრამ არსად არ ეადვილებათ ამ სამხელო საქმის უცებურად და აჩქარებით დასასიათება ისე, როგორც ჩვენში. და სამწუხაროა სწორედ ისეთი აჩქარებულობა მეტადრე მაძინ, როდესაც ერთად-ერთ ამ საუკუნის მატინედ და ჩვენ დამახასიათებლად მხოლოდ ჟურნალ-განხეთობის მასალა რჩება შემდეგ შთამომავლობას...

დიად, ჭეშმარიტად სამწუხარო არის ამ ნაირი აზრების არეულობა და საცინად აგდება ძველი დროის, როდესაც ეს დამცინველნი არა თუ ძველს არამედ ახალს დროსაც ვერ იცნობენ საკმაოდ და რიგინად!..





თორმეტი თვე უკლია მეცხრამეტე საუკუნის გასრულებას. ჭეშმარიტად ეველასათვის დასაფიქრებელია ეს ხანა, რომელითაც უნდა დასრულდეს ეს საუკუნე. გაიმახიან, ზნეობა და სარწმუნოება ხალხში ამაღლდნაო, მაგრამ მართალია ეს? ამტკიცებენ, ხალხი ეკონომიურად ძლიერ გაუმჯობესდაო, მაგრამ ბანკების დაფორმების თუ შეჯდომადიანმა თვალი, ან გასვიდულ სათამაშუქო ქაღალდებს—სულ სხვას დავინახავთ. ამბობენ, ხალხთა შორის მშვიდობიანობა შეარდება და ომიანობა სრულებით მოიხიბებაო, მაგრამ თუ მივაქცევთ უურადლებას იმ აუარებელ მილიონების ხარჯს სხვა-და-სხვა გასაუფლებ იარაღების ხასყიდლათ გადადებულს—მაშინ სულ სხვას ფიქრობ ადამიანი. ამბობენ ხალხთა შორის დამუარდა ქრისტიანული სიყვარულიო, მაგრამ მოვევასად სცნობენ მხოლოდ ნათესავთა და მასლობელთა, დანარჩენს კი მტრულად უუურებენ! იმედი არ არის, რომ ამ თორმეტ თვეში შესრულდეს საზოგადოებაში ეველასფერი ის რაც ვერ შეუსრულებია ოთხმოცდა ცხრამეტი წლის განმავლობაში. და ამისთვის ვერავინ ვერ ააცილებს თავიდან იმ მსჯავრს, რომელსაც უნდა მოველოდეთ ჩვენ შემდეგი საუკუნისაგან. ნეტავი მათ, ვისაც თავის ცხოვრებით კვალი დაუჩენია ამ საუკუნეში, მხოლოდ ესენი უნდა მოელოდენ სანუკეპო სიტყვას შემდეგის საუკუნისაგან.

სწორედ ეველასედ უმეტესად სასულიერო წოდება არის მოვალე ამ შემთხვევაში რაიმე შესანიშნავი გამოცემით მაინც დააკვირგვინოს დასასრული ამა საუკუნისა. და როგორ უნდა მოიქცეს სამღვდლოება, ამაზედ ჩვენ შემდეგ მოველაზარაკებით მკითხველებს.

დკ. დ. ღამბაშიძე.

ხალხის ზნეობის ამაღლების შესახებ.



ცხოვთის სასწავლებლებში და მეტადრე საფრანგეთისაში ერთ-ერთ სასწავლო საგნად შემოდებულია სხვასთან ერთად ზნეობის სწავლა. ამ საგანს, „ზნეობა“-ს მოსწავლენი სწავლობენ იქ როგორც სხვა დანარჩენ საგნებსაც: ჯერ მასწავლებლის აღხსნას უდებენ ყურს, მერე გაცივითილად მონაცემს ინახსოვრებენ და სამისოდ შედგენილ წიგნებით სწავლობენ მიყოლებით თვითეულ

ზნეობრივ კითხვას: ამნაირად მოსწავლის ნორჩ განებაში წინდაწინვე ინერგება საუკეთესო მეცნიერთა მოძღვრება, რასაც ახალგაზრდა სხვა მრავალ ცნობებთან ერთად მესხიერების წყალობით ადვილად ითვისებს. და საშემდეგოდ კი, როდესაც მისი ასაკი ჭკუა-დამჯდარობას უახლოვდება, ყველაფერი ეს ერთხელვე დანასწავლი, შეგნებულ წინამძღოლობას უწევს მის ხასიათსა და პირადობას. ამ ხანაში მას უკვე გამოარკვეული აქვს, თუ რა არის კარგი და ცუდი. რა არის მისასწრაფელი და დასარბილი; ამას თან ერთვის შემდეგი შესაფერი მუშაობაც და ცხოვრების გამოცდილებაც, და დასასრულ ერთ რიგთან წევრად ემატება საზოგადოებას ამნაირის მასალით გაწვრთნილი და აღზრდილი პირი. მართალია, მარტო ესეც არ კმარა, სამისოდ კიდევ ბევრი რამეა საჭირო, მაგრამ თუ სხვა და სხვა დარგის წვრილმანი ცნობების შეძენაში დიდი მნიშვნელობა მიუძღვის პატარაობიდანვე გაზეპირებულს და დანასწავლს, ზნეობის შეგნებაშიდაც რატომ არ უნდა იყოს დასარგებლო და სასურველი ამნაირი წინასწარი მუშაობა და გონების მიჩვევა? ყველაფერს ამას ხომ დიდი მნიშვნელობა აქვს ადამიანის მომავლისათვის! თუ სხვა რამის შეუსწავლელიობას ბავშვების წვრთნის ნაკლად ვსახავთ და კიდევაც ვეშურებით, შვილი-რვა წლიდანვე ბავშს დავაწყებინოთ სხვა და სხვა ღრამატიკული, საანგარიშო და საისტორიო ცნობების შესწავლა, რატომ უნდა იყოს დავიწყებული და ყურადღება მიუქცეველი ის მხარე, რაიც სამერმისოდ ადამიანს ჭქმნის ადამიანად, და რითაც უნდა ირჩევოდეს იგი სხვა დანარჩენ ცხოველთაგან?! რაღა ღროს ჩივილი და გლოვაა მოასაკებული ადამიანის სხვა და სხვა ცუდი საქციელისა და უზნეობის შესახებ, როდესაც წინდაწინ არავითარი ღონე





არ არის მიღებული, და შემთხვევის ამარად არის დატოვებული ადამიანის გონება სწორედ მაშინ, როდესაც იგი იმჩნევს შთანასახს მომავალისას და როდესაც ინასკვება მისი საფუძველი!.. რამდენადაც მარჯვე ვართ ამ შეგვიანებულ გლოვაზე, იმდენად სუსტი და ხელაღებული ვართ წინასწარ მომზადებაზე. მართალია, ეს საგანი საჭირო არც იქნებოდა, რომ თვით საზოგადოება იყოს ზნეობრივად მაღალი, მაშინ თვით იგი იქნებოდა ნორჩი გონების მწვრთნელი! მაგრამ რადგანაც ასეთს საფეხურს ჯერ ბევრი გვიკლია, და თვით ევროპის დაწინაურებულ ერებსაც კი დასკირვებაა ზნეობის ცალკე სასწავლო საგნად შემოღება სასწავლებლებში. რასაკვირველია, ჩვენ უფრო უნდა ვსაჭიროებდეთ ამგვარ რამეს.

მართალია, ჩვენ სასწავლებლებში ზნეობრივ სწავლად არის საღმრთო სჯული შემოღებული და ამით მართლაც და კარგი საშუალება ეძლევა ბავშვს ზნეობრივ ცნობების შეძენის, მაგრამ მარტო ეს არ არის საკმარისი, რომ ბავშვის გონებისათვის ყოველგვარი ზნეობრივი აზრი იქნეს გარკვეული და ცხადწარმოსადგენად გარდაქმნილი. ბევრი არის ისეთი კითხვა, რომელსაც საღმრთო სჯულის სწავლების გეგმა არ ეხება და არც შეიცავს. ამნაირად ეს ნაკლები არაფრით არ სრულდება და თითქმის სამუდამოდ ნაკლადვე რჩება. უცხოეთში ხშირად ნახავს კაცი იმნაირ ადამიანს, რომელსაც ძალიან ნაკლებად, ან და სულაც არ შეუესწავლია საღმრთო სჯული, მაგრამ ზნეობა საგნად უსწავლია სასწავლებლებში და ცხოვრებაში სამაგალითოდ მტკიცედ და პირნათლად ასრულებს ყოველგვარ ზნეობრივ მოვალეობას, როდესაც ბევრი, ათი მკნების ზეპირად მცოდნე და მუდამ თვალწინ მისი მექანე არ ერიდება ხშირად არავითარ საზიზღარ საქციელს და სიავეს. და სწორედ ამიტომაცაა, რომ ძალიან საჭიროდ არის მისამჩნევი საღმრთო სჯულის სწავლებასთან ერთად სხვა ზნეობრივი სწავლის გადაცემა და გონებაში შთანერგვა.

ამგვარი რამე თუ დაწინაურებს საქმეს და უფრო განამტკიცებს ადამიანის ზნეობრივს პირადობას, თორემ საზარალო და უმნიშვნელო არ იქნება. ამიტომაც ჩვენ განვიზარახეთ ხანდახან მკითხველებს მივაწოდოთ სამისო მასალა საგულისხმოდ და სახელმძღვანელოდ და მეტადრე მოზარდ თაობაზე გარდასაცემად. სამისოდ ამოვკრებთ საგულისხმო

მასალას მოკლედ და სხარტულად შედგენილს სახელმძღვანელოებიდგან, რომელსაც დრო და დრო მივაწვდით „მწყემსი“-ს მკითხველებს.

ერთი ვინმე.



### რად გკეძინია სიკვდილის?

თანამედროვე ცხოვრებაში სიკვდილი ერთ საშიშარ და არა სასურველ მოვლენათ ითვლება. სიკვდილი უსპობს კაცს ამ ქვეყნად სიცოცხლეს და ასალმებს მას წუთი სოფელს, ამისათვის ძნელი წარმოსადგენი არ არის, რომ მისი კაცს ეშინოდეს, მას კაცი უფრთხილდებოდეს და ბოლოს თითქმისისთვის აუცილებელ წუთს მისი მოახლოვებისას ზიზღით და ოხვრით იგონებდეს. ყმაწვილი კაცი, რომელსაც ქვეყანა მშვენებით შემკულ ქმნილებათ აქვს წარმოდგენილი და ამ ქვეყნათ სიცოცხლე სიამოვნების საუნჯეთ მიაჩნია, რასაკვირველია, არ ისურვებს იმ ბნელ წუთს, როცა მან უცებ, უნებურად უნდა დასტოვოს ყოველივე და უგრძობელ ქმნილებად გადაიქცეს. არა თუ ყმაწვილი, მოხუცებულიც კი, მიუხედავად იმისა, რომ მას, თითქმის, ერთი საუკუნე გაუტარებია ამ წუთი სოფელში, ბევრი მწარე დღე გამოუტღია და ბოლოსთვის ფიზიკური ძალის სისუსტისა გამო მოსვენების მეტი აღარა შეუძლია რა, ოხვრით ამოსთქვამს ამ სიტყვას, ერთ დღეთ აღარ მიმაჩნია გავლილი ცხოვრება და კიდევ სურს იცოცხლოს ქვეყანაზე. საზოგადოდ სიკვდილი ისეთი მოვლენაა, რომლის მოგონებით კაცს ყოველი სახალისო წუთი უმწარდება და ყოლიფერზე შეხედულება ეცვლება; მაშინაც კი, როცა კაცი თავდავიწყებული სიამოვნებას არის მიცემული და ცხოვრების ყოველგვარ საჭიროებას ივიწყებს, რაღაც უცნობი ხმა მაინც აგონებს „სიკვდილიო?“, ამ სიტყვის მოფიქრება უცებ სცვლის კაცის გუნებას და ვინ იცის, რას არ ამბობს მის შესახებ. შესანიშნავი უმეტესად ის არის, რომ არავინ არ იცის, რა არის ეს საშიშარი მოვლენა. რა არის სიკვდილი, ეს დიდი ხნიდან გამოურკვეველი და გაღუწყვებული რჩება კაცობრიობაში, თუმცა რამოდენიმე საუკუნემ განვლო მას შემდეგ, რაც ეს კითხვა წინ





დაესახა კაცის გონებას. გადაჭრილს და დამტკიცებულს პასუხს ამ კითხვაზე ღღესაც ვერ ვნახულობთ. სარწმუნოება სხვანაირ პასუხს იძლევა ამაზე და მეცნიერება სხვანაირს, მათი უთანხმოება კი აფიქრებს კაცს და რაღაც გამოაურკვეველ ექვში იჭერს მას. ისტორიას რომ მივმართოთ ამ მოვლენის შესახებ, დავინახავთ, რომ დიდი ხნიდგან სცდილობს კაცობრიობა გაიგოს, რა არის სიკვდილი და რამე საშუალება ამოაჩინოს მისგან თავის დასაფარად, თუმცა ნამდვილი იარაღი სიკვდილთან საბრძოლველათ კაცის გონებამ ვერ აღმოაჩინა, მაგრამ იმას მაინც ამტკიცებდა, რომ სიკვდილი საშიშარი მოვლენა არ არისო. ისტორიაში ვხედავთ ისეთს დროსაც, როცა სიკვდილის ხალხის უმეტესობას არ ეშინოდა და ხშირად მხნედ ეგებებოდა მას, ბევრი მაგალითია იმისი, რომ სიკვდილს სიამოვნებითაც კი ხვდებოდნენ წინ ზოგიერთები.

ბუნებისაგან მინიჭებული ძალით კაცს სურს იცოცხლოს ქვეყანაზე, რაც შეიძლება, დიდ ხანს, მაგრამ მეორე მხრით ის რწმუნდება, რომ ბუნებისავე კანონის ძალით ის, ადრე თუ გვიან, გამოესალმება ქვეყანას, მისი წარსული სიცოცხლე სიზმარით გაქრება და უკრძნობლად მდებარე მის გვამს მიწას მიაბარებენ საუკუნოდ. აქედან წარმოდგება შიში სიკვდილის, ამ არა სასურველი მოვლენის მოახლოებისა და სიფრთხილე მისგან, რაც შეიძლება, თავის დაფარვისა. შიში, როგორც გრძნობა, არის გამოწვეული სხვა-და-სხვა გვარი წარმოდგენილებით და გარეგნული მიზეზების გავლენით კაცის სულიერ მდგომარეობაზე. შიში როგორც ცუდი და შემაწუხებელი გრძნობა აიძულებდა კაცს რამე საშუალებით ებრძოლა მას სიკვდილთან და მით შიშიც მოესპო.

ძველ დროშიდაც გაკვირვებული იყო ხალხი სიკვდილისაგან. ძველი დროის კაცი დასცქეროდა მიცვალებული მოძმის გვამს და ეკითხებოდა თავის თავს, რა მიზეზია, რომ ასეთი ცვლილება ჰხდება კაცში? მიუხედავად იმისა, რომ გონება განუვითარებელი იყო ძველი დროის ხალხი, მაინც ესმოდა მას, რომ თუმცა მკვდარი გვამი უმოძრაოდ არის, იხრწნება და ქრებაო, მაგრამ ის ძალა, რაც იმაში მოძრაობდა და მის მოძრაობაში იხატებოდა, არ იკარგება, არ ისპობა და აგრძელებს არსებობასო. ამ გვარად ძველ დროშიდევ იმ აზრის იყო ხალხი, რომ კაცი შესდგება ორი ნაწილისაგან; ერთი ნაწილი—სხეული, რაღაც მათთვის გამოურკვეველი მი-

ზეზის გამო ჰკარგავს ყოველ გვარ მოძრაობას და ჰქრება, მეორე ნაწილი—სული შორდება პირველს და უხილავად გადადის სხვა მდგომარეობაშიო. რა მოელოდა სულს სხეულის მოშორების შემდეგ, ამას ბევრ ნაირად ხატავდა ოცნება ძველ დროში; ბეჯითათ კი არ იყო გამოურკვეული, მაგრამ საყურადღებოა ის, რომ ყ-ელა ღრმად იყო დარწმუნებული იმაში, რომ სიკვდილის გამო კაცის ცხოვრება, არსებობა მხოლოდ იცვლება და არ ისპობაო; ამისათვის ერთი მეორეს შორის კიდევ არის კავშირი, თუმცა ეს თვალისაგან უხილავი რჩებაო. ასეთი წარმოდგენილებით და რწმენით გამსჭვალულს ხალხს დიდად აღარ ეშინოდა სიკვდილის. საზოგადოდ ძველი დროის კაცი ბუნების ძალას ემორჩილებოდა და ცოტათ თუ ბევრათ ეთანხმდებოდა მას.

სულ სხვა აზრის და შეხედულების იყვნენ სიკვდილზე საბერძნეთის და რომის ძველი ფილოსოფოსები. ფილოსოფოსებს თვითონ კაცზე, მის სულზე და ქვეყნიურ ცხოვრებაზე სხვა-და-სხვა ნაირი შეხედულება ჰქონდათ და სიკვდილზედაც ყველანი ერთი აზრის არ იყვნენ. პლატონი, მაგალითად, ამბობდა „სულის უკვდავება და მომავალი ცხოვრება მხოლოდ იმედია და არა ქეშმარიტებაო“. სოკრატი ექვში იყო და ამბობდა: „სიკვდილის შემდეგ ან ვიცოცხლებთ კიდევ, ან არაო, საშიში კი არც ერთ შემთხვევაში არ არის სიკვდილიო“. სენეკა ამბობდა: „სიკვდილი არის ყველასათვის აუცილებელი და ყველას გამათანასწორებელი მოვლენაო, საშიში კი არ არის, რადგან მას შემდეგ უფრო თავისუფლათ და მშვიდობიანათ იქნება კაციო“. სენეკა ძლიერ სცდილობდა, რომ სიკვდილის შიში მოესპო ხალხში, საკუთარი მაგალითითაც აჩვენა ყველას, რომ სიკვდილს კაცი მხნედ და მშვიდობიანად უნდა შეხედესო. ფილოსოფოსების სწავლას და დარიგებას ხალხზე თუმცა გავლენა ჰქონდა, მაგრამ სრულიად ვერ აკმაყოფილებდა მათ სულიერ მოთხოვნილებას და ნამეტურ სიკვდილის წინააღმდეგ ვერ ამხნევებდა. ასე რომ ფილოსოფოსების აზრები თითო ოროლას თუ ამხნევებდა, თორემ უმეტესობა ისევ თრთოდა სიკვდილის მოფიქრებით და ვერაფერ საშუალებას ვერ ნახულობდა მასთან საბრძოლველად.

ქრისტიანობამ შესცვალა ძველი დროის შეხედულებანი სიკვდილზე. როდესაც ქვეყნად მოეფინა ქრისტეს მიერ მოტანილი ქეშმარიტების სხივები და ქრისტიანობამ გაიდგა ფესო ხალხში, სიკვდილზე





ახალი შეხედულება დამყარდა. ქრისტიანობამ დაარწმუნა ხალხი, რომ ქვეყნიური ცხოვრება არის დროებითი, ის მხოლოდ ამზადებს კაცს მომავალი საუკუნო ცხოვრებისათვის, რომელიც სიკვდილის შემდეგ იწყებაო. ქრისტიანობა ცხადად უხატავდა ხალხს მომავალ საუკუნო ცხოვრებას და ასმენდა, რომ ყველა რიგიანად მომზადებულიყოს მისთვის, რადგან სრული ნეტარება, მხოლოდ იქ შეიძლება იქინიოს კაცმაო. ასეთი აზრებით გამსჭვალული კაცი და სრულიად დარწმუნებული ქრისტიანობის ქეშმარიტებაში, სულით და გულით სცდილობდა მართლაც კარგად მომზადებულიყო აღთქმული მომავალი ცხოვრებისთვის; ამის შემდეგ სიკვდილი, როგორც ერთი აუცილებელი წუთი მდგომარეობის შეცვლისა, აღარ აშინებდა კაცს და თუ მას იმედი ჰქონდა, რომ ის აღთქმული ნეტარების ღირსი გახდებოდა, მაშინ სიკვდილი სასიხარულო მოვლენას წარმოადგენდა მისთვის. ყველა გულითადი მადებარი იყო უკეთესი ცხოვრებისა და თუ ეს კაცს სიკვდილის შემდეგ მოელოდა, მაშასადამე, ადვილი წარმოსადგენია, რომ მას სიკვდილის აღარ შინებოდა. ასეთი სულიერი ძალა მისცა ხალხს ქრისტიანობამ სიკვდილის წინააღმდეგ; მარტო ამ სულიერი ძალის გავლენით აიხსნება ის, ეხლა ყველასათვის გასაკვირველი, მაგალითები წმიდა წამებულები მოწამეებისა, რომლითაც სავსეა საეკლესიო ისტორია პირველი საუკუნოებისა. ეხლა ბევრს უკვირს და ვერ წარმოუდგენია, რა მხნეობას იჩენდნენ მორწმუნენი წამების დროს, რა აღტაცებით ეგებებოდნენ ისინი სიკვდილს და რა სულგრძელებით შესცქეროდნენ მწამებელთ! ასეთი შემთხვევების მიზეზი იყო ის, რომ მორწმუნეთ ძვალსა და რბილში ჰქონდათ გამჯდარი ცხოველი სიყვარული მღვთისა და კაცისა; მათ სწამდათ, რომ სიკვდილი კარგია მომავალი სანეტარო ცხოვრებისათვის. ასეთი მხნეობით ხვდებოდნენ სიკვდილს არა მარტო პირველ საუკუნოებში, როცა კიდევ ცოცხლად უდგათ თვალ წინ მაცხოვრის ქადაგება და მისი წმიდა მოციქულების მაგალითები, არამედ მთელი საშუალო საუკუნოების მიმდინარეობაში. საშუალო საუკუნოებში სიკვდილის მოახლოების დროს კი არ ნანობდნენ ქვეყნიური ცხოვრების მოშორებას და უკმაყოფილებას კი არ იმჩნევდნენ, ლოცვით და კეთილი სიტყვებით ათავებდნენ სიკოცხლეს. ქრისტიანული იმედი და სასოება შიშს

აქრობდა და სინათლის სხივებსა ჰტენდა მომავლის სულიერ მდგომარეობაში. თამამად და მშვიდობიანად სიკვდილის შეხედვრა ჩვეულებრივი შემთხვევა იყო უწინ და არა მარტო დაბალ ხალხში.

ტ. ჯაფარიძე.

(დასასრული შემდეგ №-ში).

„მწუხმის“ კორესპონდენცია

ს. ნაჯახიძის

(სენაკის მაზრა)

საზოგადოთ ცნობილია, რომ მოღვაწე, რომელიც ძალ-გამეტებით და ჰირუთენელად არ ებრძვის უმეცრებას, ვერ გაიმარჯვებს—ვერ მიაღწევს თავის მიზანს. მხედარი, რომელიც თავდაუზოგველად არ იბრძვის, ვერ გაიმარჯვებს მტერზე. მწყემსი, რომელიც წყენას ერიდება, ვერას გააკეთებს თავისს მწყემსურ სარბიელზე. ვისაც გაუვლია ცხოვრების გზა და კვალი არ დაუშენია, ია ჰგავს მძაფრი ქარის წამიერ შეწყვეტას; მდინარეზე ნავისაგან დაწნაშთ კვალს. იმას (მწყემსს) ავიწყდება თავისი ცხოვრების და კერძოთ სამსახურის მიზანი ის ჩაფლულია ცხოვრების მორევში და გზა ვერ გაუკვლევია. კარგს დიასახლისს თავისს ოჯახში ყოველისთვის მიწყობილ-მოწყობილი აქვს. მწყემსის სამსახური მარტო «ღვთის-მსახურების» შესრულებაში როდი მდგომარეობს—ის მეტად რთულია. თითოეულ სულიერ მწყემსს მუდამ თვალ წინ უნდა ედგას, თუ რისთვის არის იგი მოწოდებული და რა გაუკეთებია.

ჩვენს ეკლესიას ჰყავს მრევლი 500-მდე კომლი. ეკლესია არის ქვიტკირისა—სრული. იგი აშენებულია 1867—1869 წლებში, მაგრამ ჯერეთაც არ არის იგი რიგიანად მოწყობილი: არა აქვს კანკელი, სამრეკლო და სხ ყოვლად სამღვდელო გრიგორიმ, გურია-სამეგრელოის ეპისკოპოსად მყოფობის დროს, მრავალ გზის განუმარტა მრევლს და კრებულს ეს ნაკლი, მაგრამ ყოვლად სამღვდელოს სიტყვა დარჩა «ხმად მლაღადებლისა უდაბნოსა შინა!» შეიძლება მკითხველმა მრევლის ასეთი გულ-გრილობა მიაწყროს მრევლის სიღარიბეს. მაგრამ ეს ასე არ არის. ყველამ კარგათ ვიცით, რომ 400 მანეთად გვარიან კარგი კანკელის შეძენა შეიძლება და 500 კომლში





თითოს 80 კაპეიკი შეხვეთა და ასეთი მცირე შესაწირავის გამოღება, ვგონებ, არავის გაუჭირდება. მაგრამ ამისი მოთავეც რომ აღარ გამოგვიჩნდა. ამ სამრევლოში არიან ზოგიერთი «ინტელიგენტები», რომელთაც კარგათ ესმისთ ეს და თავისი მხრითაც გულ-შემატვიერობას იჩინენ კიდევ, მაგრამ ტანს უფლებოთ როგორ შეუძლია სიარული. «ინიციატრია» საქირო და ეს არა გეყავს, შემოსავალიც არამცირე აქვს ამ ეკლესიას, მაგრამ სად მიდის ეს შემოსავალი, არ ვიცით. რამდენიმე წელია, მზრუნველებიც ჰყავს ამ ეკლესიას, მაგრამ ამ მზრუნველებმა ჯერ კიდევ არ იციან თავიანთი მოვალეობა, რადგან (როგორც ისინი ამბობენ) «წესდება» არა აქვსთ ჯერ მიღებული! რა საჩქაროა, მოესწრებიან! რამდენჯერმე მოისურვებს მზრუნველებმა შემოსავალ-გასავლის ანგარიშების შეტყობა, მაგრამ ვერ ელირსნენ ანგარიშის მიღებას. აქაო და შემოსავალ-გასავლის წიგნი კრებულის «მახლობელ უფროსს» აქვს და ჯერ არ გამოუგზავნიანო. მეორეთ, მესამეთ და მეოთხეთ სულ ამნაირი პასუხი მიიღეს მათ. კრებულის უფროსთან მიიქცნენ და თხოვეს: უბრძანეთ დაგვისწორონ ეკლესიის ანგარიშების ჩამორთმევის დროსაო, მაგრამ იცით, მკითხველო, რა უპასუხა უფროსმა: «თქვენი საქმე არ არის ამაზე ლაპარაკიო. რალას იქმოდენ – თავი დაანებეს. ძალა აღმართსა ხნავსო. მართალია, თუ კრებულის მახლობელმა უფროსმა ყური არ ათხოვა იმათ თხოვნას, ქონდათ იმათ სხვა გზაც, მაგრამ ორმა-სამმა რა ჰქნას ბევრის და განსაკუთრებით, „ვისიც რიგია“, იმათ წინააღმდეგ. ამიტომ მირჩა ეს საქმე. ეკლესიას 200 მანეთამდე აქვს გაფანტული.

აგერ 15-16 წელია, რაც ამ ეკლესიას ჰყავს ერთი და იგივე მნათე, მაგრამ მას დღესაც არა აქვს ცნობაში მოყვანალი ეკლესიის შესავალ-გასავლის ანგარიში. განა არ შეიძლება მის ნაცვლად ახალი მნათეს დანიშვნა? ვგონებ, კანონით ყოველი სამი წ. გამთავეს უნდა აღრჩეულ იქმნეს ახალი მნათე, მაგრამ ჩვენამდის ამ კანონს არ მოუღწევია. ხსენებული მნათე ეკლესიის შემოსავალ-გასავლის ანგარიშებს არა თუ თთვეობით, წლობითაც არ აღგენს და თავს იმართლებს, რომ შემოსავალ-გასავლის წიგნი «კრებულის უფროსს» აქვსო.

ვისურვებთ, რომ ამ სამწუხარო მოვლენას მიექცეს ყურადღება, ვისიც რიგია და აწი მაინც აღი-

მალლონ ხმა, და გაფანტული საეკლესიო ფულები იქმნეს შემოტანილი და მომავალში თავ-თავისს დროზე და რიგისამებრ აწარმოვონ ეკლესიის შესავალ-გასავლის წიგნი. \*)

ადგილობრითი გულშემატვიერარი.



ს ა ა ხ ა ლ წ ლ ო დ

(ძველი და ახალი)

ველთა ჩვენთა სარბიელი, საარაკო საქციელი ამტკიცებენ: მათ არ ვგავევართ, არც ბარელი, არც მთიელი.

«ძმა ძმისთვისო, შეადლისთვისო» კარგათ ჰქონდათ შენათვისი, როგორც ქირში, ისე ღვინში ერთად იყვნენ ძმა და თვისი.

თავანწირვით ჯიუტობდენ, მტრებს წვადს მიწას არ უთმობდენ, მტერი თუმცა ღვთისრისხულად ერთზე, ასი მოდიოდნენ!

მტკიცედ სწამდათ ქრისტესსჯული, ბევრი მისთვის დატანჯული დღეს მოწამედ იხსენება, თვით ქრისტესებრ ჯვარზე ცმული.

ქრისტეს რჯული და მამული მათთვის იყო სულზე ტკბილი, ამ ორისთვის სისხლი სისხლზე ურიცხვია მათგან ღვრილი.

მანგოლები საოცარი! და მურვან ყრუს დიდი ჯარი უთვალავი მოჩხუბარი მათთვის იყო უებარი?!

\*) სამრევლო სამზრუნველოს არა აქვს უფლება ანგარიში მოსთხოვოს ეკლესიის მნათეს. რაიცა შეეხება ეკლესიის ანგარიშის ცუდათ წაყვანას, ეს, სამწუხაროდ, არა ერთგან არის შენიშნული. ჩვენ დანამდვილებით შევიტყვეთ, რამ ყ-დ უსამღველოესს ეპისკოპოსს ალექსანდრეს დაუნიშნავს მკაცრი გამოძიება ყველა-იმ უწესრიგო მოქმედების შესახებ, რომელიც მოყვანილია კორნეპოზნდენტიაში გულშემატვიერისაგან. ჩვენ სრული დარწმუნებული ვართ, რომ მათი მეუფება ყ-დ სამღველო ალექსანდრე ბოლოს მოუღებს ამ უწესობათა და ვალდებულს ყოფს, რომ ყველამ თავისი მოვალეობა მტკიცედ და კანონიერად აღასრულოს. ვაბრთხილებთ ყველას, რომ მათი მეუფების დროს არ შერჩებთ ზოგიერთ მნათეებს. უწესრიგო მოქმედებანი, რომელიც დღემდის შერჩენიათ. რედაქტორი.



ვის არ ესმა ლანგთემური,  
ჯარი, ძალა მათებური?  
ქართველების ამოსრესა,  
შავი დღეი უბედური!?

ალამამდხანი მგელი  
სისხლის მსმელი, სისხლის მღვრელი,  
ააოხრა ქართველებს  
ყველა კუთხე და სოფელი!

შაჰაბაზი აქ წვეული,  
ჯარი მისგან მოსეული,  
ქართველთ სისხლით ველარ გაძლა  
ის წყეული, ის წყეული!..

ქართველთ ჟღერა მაშინდელი,  
საარაკო სახილველი,  
რკინის გულსაც აატრებს  
მოსაგონად საშინელი.

ერთის მხრიდან ოსმალეთი,  
მეორე მხრით მთლად სპარსეთი,  
მეზობლები: ლეკი, ოსი,  
ვინ არ ხოცდა, მითხარ ერთი?

ხან ერთს სურდა, ხან მეორეს,  
ომი ხშირად იმეორეს,  
ჟლიტეს, სრისეს, მკვლარი მკვლარზე  
ზვინ-ზვინებად დააგორეს!

საქართველო მთელად ბალი,  
სამოთხისებრ თვალთ სანახი,  
უნდოდათ, რომ ხელში ეგდოთ  
სულის, გულის გასალადი.

მისთვის, ბევრჯერ აასრულეს...  
მათვე სისხლში ააცურეს,  
მაგრამ გულის საწადელი  
ვერას გზით ვერ აისრულეს!

ქართველებმა მთა და ბარი,  
მათი სისხლის დანადგარი,  
მანც არვის დაანება  
შეირჩინა როგორც არი.

ცოტა იყვნენ, მაგრამ მტერი  
გააქციეს ზოგჯერ ბევრი,  
ჩამოუდგენ უკან ხვლითა,  
აადინეს ზურგზე მტვერი.

მათი ღროის, ყველაფერი  
მტკიცედ ჰქონდათ შენაფერი,  
ერთს და იმავ მიზანს სდევდა  
ყრმა, მოხუცი, ერი, ბერი.

ასე მტკიცე, მხნე ძმურობით,  
ვაჟაკური დიდ-სულობით  
მტერი ჟლიტეს, თვითც იჟლიტეს,  
რისთვის? - ქვეყნის ერთგულობით.

ვით მამულის მტკიცე მცველი,  
არსებობა ჩვენი ძველი  
შეირჩინეს და გადმოგვცეს  
წინ სვლის დროშა სისხლით სველი!!

ასე გვეთხრეს: „ა, შვილებო,  
ნებვირობით დაზდილებო,  
აჰა დროშა გამარჯვების,  
ულაური, უცილებო...“

ქირნახული ეს ქვეყანა,  
ბევრჯერ სისხლით გაიბანა,  
აჰა დროშა და ქვეყანა,  
ვერ მოუვლით ა ი განა?

ძლიერ მეფეს ჩაგაბარებთ,  
შემდეგ ანდერძს დაგიბარებთ:  
უერთგულეთ დიდსა მეფეს  
და ის კალთას დაგაფარებთ.

ჯაჭვი, ზუჩი, ფარი, შუბი,  
თოფ-ხმალ-ხანჯლით სხაპა სხუბო:  
აწი აღარ დაგჭირდებათ  
შეტაკება მტერთან, ჩხუბი.

რუსთ ხელმწიფის შიშის ზარი,  
მტერთა გულის შესაზარი,  
მშვიდობასა მოგვიპოვებთ,  
შეიქნებით მუდამ მტკბარი.

დროშა ხმლითა დაფლეთილი,  
ტყვიით დაცვეთ-დახვრეტილი,  
მოწამეა: ეს ქვეყანა  
სისხლითა გვაქვს შერჩენილი.

ნათქვამია: „მამულს უჯობს,  
შვილი ჯობდეს მამასაო,  
ის მშობლებსაც გარდაუხდის  
ნაღვაწის წილ ამავსაო“.

გვავეართ რითმე იმ სულ მნათებს?!  
შვილთა ვალი ჩვენც ხომ გვმართებს?





ჩვენი ღვაწლი დღევანდელი  
სამერმისოთ თუ გვინათებს?

ტყვია წამლით სადმე ომი  
აღარა გვაქვს მოსანდომი,  
ნაცვლად მიწას შევებრძოლოთ,  
ბლომად გვქონდეს გასაძლომი.

შევაბრუნოთ სარბიელი  
„მუქთა ხორას“ საქციელი,  
ყველა მუშა ნაყოფს იმკის  
არის თავის მადლიერი.

ვიმუშაოთ, ოფლი ვღვაროთ,  
შრომას ქედი წაუხაროთ,  
ჩვენი ჩვენვე შევირჩინოთ,  
მით ოჯახი გავახაროთ.

პური, ღვინო, მჭადი, ქერი,  
კუჭის საზრდო ყველაფერი  
დავახვავოთ, დავაზვინოთ,  
გამოვადლოთ ერი, ბერი.

კუჭი თუ გვაქვს მაძლარია,  
მტერის საქმე წამხდარია,  
სტუმარი და მასპინძელი  
მულამ ლხინობს, დამტკბარია.

ჩვენი ქვეყნის ყველა მხარე,  
თუ არ გჯერა გადათხარეთ,  
მადნებით, სულ ოქრო-ვერცხლით  
სავსე არის, მოიხმარეთ.

სიმდიდრე გვაქვს სად, რა გინდა?  
ამოცვინდა... გადმოდინდა...  
შვეისწავლოთ, რაც რომ გვიჯობს  
საამდროვო სწავლა გვინდა.

თორემ ბევრი უცხოელი,  
რომ არც იწვევ, არც მოვლი,  
გამდიდრდება, ჩვენ დავრჩებით  
ცარიელი, ტარიელი!!.

რ. საჯაოხელი.

ჩემი სიზოლო.



ინემ ცოცხალ ვარ ამ სოფლად  
თაყვანსვსცემ იმა მცნებასა,  
რომელიც გულში მიღვივებს  
ძმობის, ერთობის გრძნობასა.

რომელიც მამხელს მოძმისთვის  
არ დავიშურო თავია,  
მისდა საშველად ვიხმარო  
ჩემი ღონე და მკლავია...

არ მინდა მოძმის სანაცვლოდ  
ოქრო, ვერცხლი და რვალია,  
თვალ-მარგალიტი ობოლი  
ბრილიანტი და ლალია.

არ მინდა ჩინი, დიდება,  
აღმასით მკული რხმალია,  
მე მინდა მოძმის ძმა ვიყო,  
მივეუწყო ძმური ვალია.

ჩემი რჯულია ჩემის ძმის  
ერთობა, სიყვარულია,  
ერთად სიცოცხლე, სიკვდილი,  
ერთად ჭირი და ლხინია.

ამ მცნებით უნდა განვილიო  
ჩემი სიცოცხლის ჟამია,  
რომ შევასრულო პირნათლად  
ქრისტეს მოწაფის ვალია.

ქაიხოსრო ზელოვანი.





# ასალი ამბები და შენიშვნები.

ჟურნალი „მწყემსი“-ს რედაქციის სტამბაში იბეჭდება აკაკის ჟურნალი „კრებულა“ და ამ თვის დამლევსას მიუვათ ხელმომწერთ. «კრებული»-ს I № ში, რადგანაც ამ ჟურნალმა პროგრამის გაფართოების ნება მიიღო, მოთავსებულია ბ-ნი აკაკის ნაწერებს გარდა, სხვა მწერლების სტატიებიც და შინაარსიც მეტად საგულისხმოა. ჟურნალის „კრებულის“ რედაქცია ყვირილაში არის დღეს. ამ ნაირად დაბა ყვირილაში დღეს ორი ჟურნალის რედაქცია იმყოფება...

„მწყემსი“-ს ჟურნალზე ხელის მომწერლებს დაურიგდებათ თებერვლის დამდევს უფასოთ კედლის კალენდარი, რომელშიაც იქნება მოყვანილი სხვათა შორის, საჭირო ცნობები კვირიაკეზე, ხმაზე და საცისკრო სახარებაზე.

იმერეთის ეპარქიის საეკლესიო ნივთების საწყობში მიღებულია ყოველ გვარი საეკლესიო ნივთები და მსურველთ შეუძლიათ იაჟად მოიპოვონ. ამ საწყობშივე მოიპოვება ყოველ-გვარი მღვდლისათვის საჭირო მოწოდებები, და გამოწერილობათა ქალღმების ფორმები.

ჟურნალის «მწყემსი»-ს რედაქციაში და სტამბაში მოიპოვებიან ყოველგვარი წიგნაკები ზნეობრივი შინაარსისა, სასაუბრო და საკითხავი ღვთის მსახურების გარეშე, ძლიერ იაფ ფასად. ამათ გარდა რედაქცია ამზადებს კიდევ ამა წლისთვის სხვა-დასხვა სასაუბრო წიგნაკებს სამღვდლოებისათვის.

19 დეკემბერს ფოთის ქალაქის საბჭომ განიხილა და დაამტკიცა მომავალი წლის ხარჯთ-აღრიცხვა. შემდეგ მოასმინა იმ კომისიის მიერ წარდგენილი თხოვნა, რომელსაც ამას წინად დაევალა, იბრუნოს ფოთის მომავალ ბიბლიოთეკა-სამკითხველოსათვის. თხოვნა ერთ ხმათ იქმნა შეწყნარებული. საბჭომ დაადგინა, ყოველ წლობით 300 მან. ეძლიოს ბიბლიოთეკა-სამკითხველოს. საბჭოს აგრეთვე მოხსენდა გამგეობის წინადადება იმის შესახებ, რომ მომავალი წლის ხარჯთ აღრიცხვაში შეტანილ იქმნას შემწეობა დედათა საეპარქიო სასწავლებლისათვის, რომელიც ყ-დ სამღვდლო გურია-სამეგრელოს ეპისკოპოსის აღექსანდრეს მეთაურობით იქმნება დაარსებული. საბჭომ სახლის დაქირავება და მიწის მიცემა აღუთქვა. [„ივ.“]



## სწავლა და მეცნიერება ქრისტიანობრივ საწმენოებსა და კეთილზნობაზე.

### სიჯგვა,

თქმული 29 ნოემბერსა, წმიდისა მღვდელ-მოწამისა აბიბოს, ნეკრეს ქალაქის ეპისკოპოსის ხსენებრს დღესა, ანჩისზატის ტაძარში.

სახელითა მამისათა, და ძისათა, და წმიდისა სულისათა.



ველა ჩვენგანს გამოცდილებით აქვს შეგნებული, რომ როდესაც იხსენება საღმრთო ჩვენი გულითადი პატრონადები ადამიანის სახელი, თუგინდ რომ ის ადამიანი ცოცხალიც აღარ იყოს, მაინც დიდ სიამოვნებას იწვევს ეს ხსენება ჩვენს გულში, ბევრს სასიკეთო აზრებს და განზრახვებს ჰბადავს ჩვენ გონებაში და ამ სახელის გაგონებაზე ცხადად გვეხატება იმ ადამიანის სურათი, მისი ცხოვრება, მისი შრომა და ღვაწლი, ყველაფერი ის, რასაც იგი ემსახურებოდა, რაც მას მიანდა საღმრთოდ, რასაც შესწირა სიცოცხლე და ანდერძად დაუდო ჩამომავლობას. ამასთან ერთად თვითეული ჩვენგანი ცდილობს შეძლებისადაკვალად შეითვისოს ამგვარი ადამიანის ცხოვრების რომელიმე მხარე, რომელიმე სიკეთე მისი ხსიათისა, რომელიმე კეთილი მიდრეკილება მისი სულისა და ამ საშუალებით აიმაღლოს, გაიკეთილშობილოს, გაიფაქიზოს, გაიწმინდოს და შეიმკოს საღმრთო მადლით თავისი სული, გონება და ყოფაქცევა. სწორეთ ეს მაღალი და ბრძნული მოსაზრება აქვს მიზნად წმ. ეკლესიას, რომ მუდამ დღე ჰყოფს იგი ხსენებას რომელიმე წმინდანისა. დაურღვეველად მიმდევარი ამ მაღალ აზროვანი ჩვე-



უღებია, დღესაც გვაგონებს ეკკლესია ერთი ღირს შესანიშნავი და ღვაწლით მოსილი წმინდანის სახელს. დღევანდელი წირვის ჩამოლოცვაში, სხვა წმინდანების სახელების შორის, უქვევლია, გაიგონებდით წმ. მღვდელ-მოწამისა, აბიბოს, ნეკრესის ეპისკოპოსის სახელსაც. დიად, გაგონებით კი გაიგონეთ, მაგრამ გამოიწვია მან თქვენს გონებაში რომელიმე საღმრთო აზრები და წარმოდგენანი? დაგიბადათ მან საღმრთო და კეთილნი სურვილნი? გაგითვისაწინათ ამ სახელის გაგონებამ აბიბოს მოღვაწეობა, მისი ცხოვრება და წამება?

არა, გაბედვით შემიძლიან ვთქვა, რომ ბევრს მხოლოდ ყურის ახლო გაურბინა ამ სახელმა; აქ მყოფთა მომეტებულ ნაწილს აზრათაც არ მოსვლია დღევანდელი წმინდანის სახელზე ჯეროვანი ყურადღების მიქცევა, თითქმის არც არავინ იცოდა ამ წამამდე, რომ დღეს ქართული ეკკლესია აღასრულებს აბიბოს ხსენებასა და ამის გამო, რასაკვირველია, არც არავინ შეჰვედრებია გულმხურვალედ ამ წმინდანს, არც არავის აუნთია მისთვის სანთელი, არავის გამოუთხოვნია თავისთვის და თავისი ოჯახეულობისთვის ამ წმინდანისაგან ღვთის წინაშე დახმარება და მეოხება.

თქვენ თითონ ჰსაჯეთ, საყვარელნო მსმენელნო, რამდენად სათაკილოა, მაინც რომ არ იყოს, ამ გვარი გულცივობა და დაუდევრობა სამშობლო ეკკლესიის წმინდანების შესახებ, რაზომ დამამცირებელი და უკადრისია ამისთანა უმადურობა იმ პირებისადმი, რომლებთაც ჩვენი ბედნიერებისათვის, ჩვენი სულიერი წარმატებისათვის არ დაუზოგნიათ სიკოცხლე და ჩვენი სიყვარულის გამო დაკლულან ზვარაკებად!

ღვთისა და ყოვლად წმიდა ღვთის-მშობლის ჩაგონებით მოსული ასურეთიდან საქართველოში წმ. იოანე ზედაზნელთან, შიო მღვიმელთან ღ სხვათა ათცამეტ მამებთან ერთად, ნეტარი აბიბოსი მნათობდა ნეკრესის სამღვდელმთავრო ტახტზე და მწყსიდა თავისი მადლიანი სწავლა-ცხოვრებით საუცხოვო კახეთის შვილებს. იმ დროს მთლად ჩვენი ქვეყანა დაპყრობილი ჰქონდათ სპარსელებს, რომლებიც თავყანსა სცემდნენ ცეცხლს და ყოველ ღონისძიებას ხმარობდნენ, რომ თავიანთი სარწმუნოება გაეცრელებინათ ქართველებში. სასიხარულოდ სპარსელებისა, არც თუ უნაყოფოდ რჩებოდა

მათი მეცადინობა: ქართველები, ზოგი უმეცრების გამო, ზოგი მხდალობისა და ხასიათის სისუსტის გამო, ზოგი სარგებლობის გულისთვის, თავს ანებებდნენ ქრისტიანობას და, ნაცვლად ქეშმარიტი ღვთის მსახურებისა, წყებულობდნენ ცეცხლის თავყანსცემას. სპარსელებმა ააგეს ბევრგან კერპები, რომლებზედაც ერთო გაუქრობელად ძლიერი ცეცხლი და მცხოვრებლების ყურადღების მისაზიდავად დიდის განცხრომით ასრულებდნენ მოგვები ცეცხლის მსახურების წეს-რიგს. რა კითხი უნდა, ყველაფერი ეს დიდათ აწუხებდა და აღონებდა რჩეულ მღვდელმთავარს; იგი ბეჯითად და გამუდმებით აცნობებდა თავისს სამწყსოს ქრისტიანობის სინამდვილეს, სიწრფელით უჩვენებდა ყველას ცეცხლთაყვანისმცემლობის შეცდომა-ამაოებას და მუდამ დღე მუხლ დადგენით ევედრებოდა ღმერთს სპარსელების საცთურიანი სწავლა-მოდღვრების ძირიანად დამარცხებისა, მოსპობისა და განადგურებისათვის საქართველოში... ნეტარმა მღვდელმთავარმა აიღო ერთხელ წყლით სავსე ჭურჭელი და ღვთის სახელის ხსენებით დაიწყო ყოველგან სპარსელების სათაყვანო ცეცხლის ქრობა. სპარსელებმა დიდათ იუცხოვეს ესეთი გაბედული ქცევა წმ. მამისა, აღელდნენ, გაბრაზდნენ და აღშფოთდნენ უმადლეს ხარისხამდე; მაშინვე შეიპყრეს აბიბოსი, ჰსცემეს, სტანჯეს ათსგვარად და ჩასვეს საპყრობილეში, ამასთან დაუყონებლივ აცნობეს თავიანთ უმფროსს ქართლში, რომ ნეკრესის ეპისკოპოსმა დიდი უბედურობა, საშინელი შეურაცხება და არა მოსათმენი დამცირება მოგვაყენა სპარსელებსაო, მან გააქრო ჩვენი სათაყვანო ცეცხლი, ე. ი. შეაგინა, დაჰგმო და მოჰკლა ჩვენი ღმერთიო.

გაანჩხლებულმა უმფროსმა სისწრაფით დაიბარა თავისთან აბიბოსი, დაიბარა, რასაკვირველია, იმ აზრით, რომ ეწამებინა, ეტანჯნა და, თუ არ შეინანებდა თავისს საქციელს, მოეკლა კიდევ. კარგად იცოდა აბიბოსმა, რისთვისაც იბარებდა მას სპარსელების უმფროსი, მაგრამ მიუხედავად ამისა, სიამოვნებით გაუდგა გზას და დიდი მადლობა აღუვლინა ღმერთს, რომ იგი გახდა ღირსი მოწამეთა გუნდში ჩარიცხვისა. ბევრგვარი ტანჯვა-წვალებისანი მიაყენეს სპარსელებმა გზაში წმ. აბიბოსს, მაგრამ სულ ამაოდ და მუქთად დაშრფენ იგინი? აბიბოსს მტკიცედ უყვარდა ქრისტე მაცხოვარი, დიდ შეცდომად მიაჩნდა ცეცხლის მსახურება და ამის გამო შეურყევე





ლად ადგა თავის აზრს, მას სწყუროდა მხოლოდ დაენახებინა ყველასთვის სპარსელების გონების სიბნელე, მათი სულიერი სიგლახაკე და თავისი საღმრთო მაგალითით გაემტკიცებინა ქართველები ქრისტეს სარწმუნოებაში. მოვიდა თუ არა მცხეთაში, წამებულ აბიბოსი გაეშურა სვეტი ცხოვლის ეკლესიაში და შეავედრა თავისი თავი უფალს. შემდეგ აბიბოსმა გამოსთხოვა სპარსელებს ნებართვა ღირს მამა შიო მღვიმელთან მისვლისა. სპარსელებმა აუსრულეს წმ. მამას თხოვნა. აბიბოსმა აცნობა ღირს მამა შიო მღვიმელს დაწვრილებით თავისი გარემოება და სთხოვა მას: შემავედრე შენგან შეყვარებულს უფალს, რომ მომენიჭოს მე მხნეობა სიამოვნებით დავითმინო მომავალნი წამებანი ქრისტე იესოს წამებისათვის. ქრისტიანული სიყვარულით შეუსრულა ნეტარმა შიომ გულითადი თხოვნა თავისს წმინდა თანამოძმეს და აი ამ წმინდა ლოცვით გამხნეებულ-განტკიცებული წარუდგა უშიშრად აბიბოსი სპარსელების უმფროსს პასუხის საგებლად.

როგორ გაბედე ჩვენი ღმერთის მოკვლაო, შეპკითხა მას რისხვა-წყრომით ურწმუნოთა უმფროსმა. ზეციური მშვიდობით აღესილმა აბიბოსმა დაღაგებით და დაწვრილებით აცნო უმფროსს შეცთომილება და უაზრობა ცეცხლის მსახურებისა, აუხსნა, რომ ქვეშარიტება მარტო ქრისტეს მოძღვრებაშიაო და ურჩია ქრისტიანობის მიღება. უმფროსი უფრო გარისხდა მის წინაშე მდგომი ეპისკოპოსის გაბედულებაზე და გულწყრომით ეკითხება მას ხელმეორედ: როგორ გაბედე ჩემი ღმერთის მოკვლაო. აბიბოსმაც უფრო გარკვევით და ცხადად დაანახა სპარსელს სიცრუე მისი სარწმუნოებისა და მეორედ მისცა მას რჩევა შესდგომოდა იესო ქრისტეს. ახლა კი სპარსელს სრულებით დაეკარგა მოთმინებ.: სიბრაზით მიჰვარდა აბიბოსს, სცემა, სტანჯა და უბძანა თავისს ხელქვეითებს მისი ჩაქვავება და სიკვდილის შემდეგ მისი სხეულის გადადგება მინდორში ფრინველთა და ნადირთათვის შესაქველად. მაგრამ ნეტარ არს, რომლისა ღმერთი იაკობისი შემწე არს მისა და სასოება მისი არს უფლისა მიმართ ღვთისა მისისა. ვერც მხეცთა და ვერც ფრინველთა ვერ იკადრეს წმინდა მოწამის გვამის შეხება, თუმცა დიდხანს იყო იგი მინდორში და უმფროსის განკარგულებით თვალყურს ადევნებდნენ სპარსელები, რომ ქრისტიანებს არ დაესაფლავებინათ. მხოლოდ დიდი ხნის შემდეგ,

როდესაც სპარსელებს მოსწყინდათ წმ. გვამის ყარაულობა, ბერმონაზნებმა და სასოებით აღესილმა ქრისტიანებმა დაკრძალეს ეს წმინდა გვამი შესაფერი პატივისცემით და დიდებით მცხეთაში.

ასე იშრომა და ეწამა ქრისტეს სახელისთვის საღმრთო მოწამე აბიბოსი!

მართალია, საყვარელნო მსმენელნო, ველარც სპარსელნი და ველარც სხვა ვინმე ჭკუაცთომილნი ველარ გაბედენ დღეს ჩვენი საღმრთო სარწმუნოების ამგვარი კანდიერებით შელახვას, აღარც ერთს ქრისტეს მმოსავს აღარ უნდა ეშინოდეს იმგვარი მტარვალებისა, როგორც იყვნენ წმ. აბიბოს მაწამებელნი, დაუძღურდნენ, დამციოდნენ და თითქმის დედაშიწის ზურგიდან აღიხოცნენ კიდევც ის მტრები, რომლებიც სდევნიდნენ, არბევდნენ, აწამებდნენ და ხოცავდნენ ძველად ჩვენ მამა-პაპას ქრისტეს სარწმუნოების ერთგულობისა და თავდადებული სიყვარულის გამო, მ-გრამ რას ვხედავთ დღეს ჩვენ შორის? რა გვექნა დღეს ის მტკიცე და მხურვალე სიყვარული სარწმუნოებისა, რომელიც გმირად ხდიდა ჩვენ წინაპართა, რომელიც არაფრად ჰყოფდა მათთვის ცეცხლისა, მახვილისა, საპყრობილესა და წამების სიმწვავეს? გაქრა, წავიდა და უცნობი ხილი გახდა დღეს ჩვენთვის ეს აუარებელი მტერთა სიმძლავრის დამძლეველ-დამშრეტელი ძალა, ეს საუკეთესო სულიერი სამკაული ჩვენი მამა-პაპებისა; გააქრო და მოინელა ეს სასწაულებრივი ძალა დღეს ჩვენ შორის იმ უჩინარმა და მახვილ-მოკლებულმა მტერმა, რომელიც დაბინავებულა ჩვენ გულში და სახელად ეწოდება სარწმუნოებრივი გულცივობა, ანუ საღმრთო წერილის ლექსით «ნელ-ტფილობა». სარწმუნოებრივი დაუდევრობა და გულგრილობაა თავი და თავი მიზეზი, რომ ამ წამს ვერა ვხედავთ ჩვენთან ერთად იმ ჩვენ თანამოძმეებს, რომლებიც მოვალენი არიან აქ ყოფნისა. მაგრამ განა მარტო აქა ვხედავთ ამ სავალალო სურათს? არა, ყველგანაც ცარიელებია ეკლესიები და მღვდლები უბძანებენ „მშვიდობა ყოველთასა“ მარტო მედავითნეებს და მნათეებს.

გულგრილობა სარწმუნოებაზე არ არის ურწმუნოება, არა, სარწმუნოება ყველასა გაქვთ. ამისი უარისყოფა, ამისი დაუნახაობა ჩვენის მხრით იქნებოდა უკადრისი ცილის წამება, უსაბუთო დამციება და უტიფარი შელახვა თქვენი სულიერი მშვი-





## ოჯახის კერა

მამა კაცი და დედაკაცი.

I.

(რუსულიდან)

გაგრძელება\*.

ცოდება.



მღვ. მოწ. აბიბოს, ნეკრესის ეპისკოპოსი.

დობიანობისა. სამწუხარო მხოლოდ ისაა, რომ დღევანდელი თქვენი სარწმუნოება აღარ არის მოქმედი და ცხოველი, რომ დღევანდელ თქვენს ცხოვრებამოქმედებაში აღარ სჩანს ამ სარწმუნოების გავლენის კვალი. მძიმე და მომაკვდინებელი ცოდვაა ურწმუნოება, მაგრამ აღარაფრით დაუვარდება მას სარწმუნოებრივი გულკიკობაც, ანუ «ნელ-ტფილობა». აი რას უბძანებს ღმერთი წმ. იოანე ღვთისმეტყველის პირით ლავდიკიის ეკლესიის ანგელოზს: ვიცნო საქმენი შენნი, რამეთუ არცა გრილი ხარ და არცა ტფილი... მეგულვების აღმოგდება შენი პირისაგან ჩემისა (გამოცხ. 3. 15 - 16),

უკუვაგდოთ, ძმანო, ჩვენგან ღვთის განმარისხებელი ნელ-ტფილობა, აღვინთოთ გულთა შინა ჩვენთა საღმრთო შური ღვთის სახლის სიყვარულისა და ვიქმნეთ შეძლებისადაკვალად მუდამ მიმდევარნი სარწმუნოების გულმოდგინე, ცხოველი და მოქმედი სიყვარულისა, რომლის ბრწყინვალე მაგალითს წარმოგვიდგენს დღევანდელი წმინდანი, ნეკრესის ეპისკოპოსი, მღვდელ-მოწამე აბიბოსი. ამინ!

ეპისკოპოსი გორისა, ლეონიდი.

ჩვენს დროში ბევრი მითქმა-მოთქმაა ატეხილი დედაკაცების ზნეობისა და ზედ-გავლენის შესახებ. ქრისტიანობამ დიდი სფერა მიანიჭა ქალებს ზედ-გავლენისა, თუ კი გამოიჩინენ უნარსა და გონიერად გამოიყენებენ მას. მართალი სთქვა კონფუციმ: „თუ ოჯახური მოვალეობა მტკიცედ სრულდება, მაშინ საჭიროც არ არის შორს წასვლა მსხვერპლის შესაწირავად“ იქნება ბევრ სწავლულ დედაკაცს სიცილადაც არ ეყოს ეს სიტყვები, მაგრამ მე არამც თუ უარს ვყოფ იმ აზრს ვითომც ოჯახში საქმიანობა ავიწროვბდეს დედაკაცის მოქმედების ასპარეზს, არამედ აღვიარებ კიდევაც, რომ ეს ასპარეზი სიდიდით ეთანაბარება მთელი კაცობრიობის მოქმედების ასპარეზს. ადვილად შეიძლება, რომ დედა-კაცი გატაცებული იყვეს სწავლის შეძენით და ამავე დროს არ ეზიზღებოდეს ოჯახში საქმიანობა. მისი მოღვაწეობა პირველად ოჯახში იწყება და თუ ამას სთურგნის, მაშინ ყოველივე ცდა მოქმედებისა ასპარეზის გაფართოებისათვის ფუჭედ ჩაუვლის.

ადვილად შეიძლება, რომ დედა-კაცი მეცნიერი, ღრმად მორწმუნე და საზოგადო მოღვაწეც იყვეს და ამავე დროს ჭეშმარიტი მეუღლეც.

თუ მიუცილებლად საჭიროა მაგალითის მოყვანა იმის დასამტკიცებლად, რომ მამაკაცივით ღრმა ცოდნით გამსჭვალულს დედაკაცს ერთგული მეოჯახეობაც შეუძლია, ასეთ მაგალითად ცნობილი მარი სომერვილის ცხოვრება უნდა ჩაითვალოს. მისი სამეცნიერო გამოკვლევანი იმდენად შესანიშნავი შეიქმნენ, რომ ერთმა ყურნალმა მისი პირველი წერილი პირველ ნაწარმოებად იცნო ყველა იმ

\*) იხილე „მწყემსი“ № 22, 1898 წ.



თხზულებათა შორის, რაც კი ოდესმე და სადმე დაუწერიათ დედაკაცებს. ოთხმოცდა ათის წლისაც ისე ერთგულად მოქმედებდა ოჯახში და გულ-ნათლად ასრულებდა ოჯახის მოვალეობას, რომ ყველას აოცებდა, მაშინაც საოცრად ანგარიშობდა ძნელ სამათემატიკო ამიჯანებს.

ზოგნი იმასაც ამტკიცებენ, რომ როდესაც კაცი ღრმად დაფიქრებულია სარწმუნოებაზედ, მაშინ ცოტა ყურადღებას აქცევს ცხოვრების დღიურ მოთხოვნილების ასრულებასა. მაგრამ ამ აზრს ამტკიცებს მაგალითი წმ. ფრანცისკისა. ის იყო რომელი მალალი წოდების დედაკაცი. დაიბადა 1384 წელს და თორმეტი წლის ცოლად გაჰყვა გამოჩენილს რომაელს ლაფრენტი ჰონცანის. „მისი მორჩილება და გულშემატკივრობა ქმრისადმიო, ამბობს ალბინ ბეტლერი, სამაგალითო და შესამჩნევი იყო». ამ თვისებამ ისე ღრმად შეაყვარა იგი ქმარსა, რომ მთელ ორმოც წელს ერთად ცხოვრებაში არც ერთხელ არ შეუხვედრებიათ ერთი-ერთმანერთისათვის უსიამოვნება. მათი ცხოვრება ერთიერთმანერთის პატივისცემასა და სამსახურს წარმოადგენდა. ქალი ხშირად იტყოდა ხოლმე, რომ ქმრიანი დედაკაც ვალდებულია, თუ კი საჭიროება მოსთხოვს, რამდენიმე ხანს შესწყვიტოს სარწმუნოებრივი მოვალეობის ასრულება და ოჯახობას მიჰყოს ხელიო. მისი ცხოვრებიდან ნათლად იხატება იმისი რწმენა, რომ სარწმუნოებრივი მოთხოვნილებანი არ უნდა აფერხებდენ ოჯახის მოვალეობის ასრულებას, ქმრისა და შვილების კეთილ-დღეობას. მას ჩვეულებად ჰქონდა დადებილი, რომ ყოველ დღე დილის რომელიმე ჟამს ლოცვისა და სამღვთო წერილის კითხვას ანდომებდა.

როდესაც ის ერთხელ წიგნს უჯდა და კითხულობდა, მისი ფიქრები გაიტაცეს რაღაც საოჯახო საქმეებმა. მოაგონდა ანდაზაც: პირველად ის მოიმოქმედე, რაც უფრო გეახლოება, ეცადე პირადი ინტერესები შესწირო ყველას, თუ კი ამას მოვალეობა მოითხოვსო. ადგა საჩქაროდ, გააკეთა ის საქმე, რომელიც მოაგონდა და ისევ წიგნს მიუჯდა. მაგრამ დაიწყო თუ არა კითხვა, ისევ შეაწყვეტინეს. ადგა მხიარულად, გულდადებით მოათავდარიდა ოჯახის საქმეები და შემდეგ ბიბლიის კითხვა დაიწყო. მაგრამ ახლაც დაუძახეს, ახლაც ოჯახურ საქმეებს შეება. შვიდ ხელ გაუმეორდა ეს სურათი, მაგრამ არც ერთხელ არ უარებია და გადაუდვია საქმე სხვა

დროისათვის, არ ერთხელ არა გაჯავრებულა, არც ერთი საყვედური არ წამოსცდენია. როდესაც მეშვიდე ხელ დაჯდა და ფსალმუნის კითხვა დაიწყო, რომელზედაც შეჩერდა, დაინახა, რომ ანგელოსებმა ნიშნად მადლობისა უსაზღვრო ერთგულებისათვის ფსალმუნის სტრიქონები ოქროს ასოებით დაიწერეს. 1443 წელს დაარსა დედათა ორდენი.

დედაკაცთათვის ფილანტროპიას ყველანი სავალდებულო მოვალეობად სთვლიდენ, თუმც არ ვიცი კი, რა საბუთით ხელმძღვანელობდენ ამ შემთხვევაში. დიკენს ცხადად არ უყვარდა ფილანტროპი ქალები და კიდევაც დაგვიტოვა რამდენიმე სახუმრო მხატვრობები. ამათში გამოხატულია ქნი ჟელების ოჯახობა. ეს ადამიანი მთელ ენერჯიას იმას ანდომებდა, რომ როგორმე ბოროტო ბულაგის კუნძულის მკვიდრთათვის ესწავლებინა ფორტუბიანოს ფეხების ხევა. მაგრამ ბევრი არ ყოფილან ქალწულნი იმ დედაკაცთა შორის, რომლებმაც თვისი ქველ-მოქმედებით მოიხვეჭეს სახელი, როგორც წმ. ეკატერინა რიგელი იყო, ან ტერეზია ავილელი. უმეტესობას ქმარშვილიანი დედაკაცები შეადგენდა, რომელთაც საქველ-მოქმედო საქმეები არასოდეს არ უშლიდენ ხელს ოჯახის მოთხოვნილებათა დაკმაყოფილებაში.

მაგალითათა შეგვიძლია დავასახელოთ ელიზავეტა ვენგრელი, მეუღლა ლიუდოვიკ ტიურინგელისა. ის სცხოვრობდა კონრად მარბურიგელის ბნელი და ცალ მხრივი მმართველობის დროს, რომელიც განთქმული იყო ფანატიკური სარწმუნოებრივი შეხედულებით და სცდილობდა კიდევაც ინკვიზიციის შემოღებას გერმანიაში. მაგრამ მიუხედავად იმისა ცოლ-ქმრობის პირველ ხანებში, სანამ მისი ქმარი ცრუ წარმოდგენას შეითვისებდა წმიდანების შესახებ და ამით ცოლს თავის-თავის უარის ყოფას გადააწყვეტინებდა ერთგული და მოსიყვარულიე ამხანაგი იყო ქმრისა. ბევრი თქმულებანი დარჩენილან მისი ცხოვრების შესახებ, რომლებიც გვიმტკიცებენ მის სინდისიერად მოქმედებას ოჯახში. მაგალითად, ერთი მათგანი გადმოგვცემს: „თურმე ამ ქალმა ერთხელ ქმარი გააჯავრა და ამის შესანანებლად ტკბილეულობა აიკრძალა და მხოლოდ ხმელი პურიით და წყლით საზრდოობდა. როდესაც ერთხელ ჩვეულებრივ სადილს მოუსხდა, პური და წყალი გადიქნენ ძვირფას შეჭამანდად და მშვენიერ ღვინოდ. მეორე





თქმულება გვეუბნება, რომ თურმე როდესაც ქალმა შეიბრალა ერთი კეთროვანი და ქმრის ლოგინში დააწინა, და ქმარი ამაზედ გაუჯავრდა, ავად მყოფი მაშინვე გაუჩინარდა. ამ სასწაულებს იმით ხსნიან, რომ ვითომც მას თითონ მაცხოვარი ეცხადებოდა. წმ. ელიზავეტა გარდაიცვალა 1231 წელს.

ჩვენ აქ შევჩერდებით ცოტას და მოვიყვანთ კიდევ მაგალითად ფრანცისკი ასსიზელის სიბრძნეს პრაქტიკულ ცხოვრებაში. თუმცა ეს აღამიანი იმ აზრის იყო, რომ ვისაც ბერ-მონაზონობა სურს, უმჯობესია აიღონ მაგალითად წმ. კლარი, რომელმაც აღრიანად დასტოვა მსოფლიო, გაშორდა მას, და სენაკს შეეთვარაო, მაგრამ მიუხედავად ამისა მაინც დაარსა „ფრანცისკის ორდენი“, რომლის მიზანი ის არის, რომ აღმოუჩინოს საღვთო განურჩევლად სქესისა ერისგანთ, რომლებიც რამდენიმედ დაემორჩილებიან მის მიერ შემოღებულს წესრიგს, რომ ამავე დროს არ გასწყვიტონ ძაფი ოჯახური, მსოფლიური ცხოვრებისა.

ვინაიდან ელისაბედი ცხოვრების დადება მაგალითად მოუხერხებელია თანამედროვე ცხოვრების პირობებში, და ის წარსულ საუკუნეებს ეკუთვნის, ამიტომ ჩვენ მოვიყვანთ მაგალითს თანამედროვე საუკუნიდან.

1830 წელს ერთი ახალგაზდა, 20 წლის ქალი, ცოლად გაჰყვა ინდოეთში მდგმურ ჯარის ოფიცერს — ჩუგოლმს. ის ყოველგან და მარად ეამ თან იახლა ქმარს, ამხნეებდა ზნეობრივად და უმსუბუქებდა ცხოვრების ყოველ გვარს სიმძაფრეს. ინდოეთში ყოფნის დროს დაარსა ბრიტანელ ჯარის კაცთა ობლებთათვის სკოლა, ხოლო როდესაც ჩიუგოლმი ავადმყოფობისა გამო იძულებული შეიქნა დაეტოვებინა ინდოეთი, მაშინ ის თან გაჰყვა ქმარს სინდნაში, სადაც უსამზღვრო კატომოყვარეობისა გამო გამოესარჩლა გადმოხვეწილთ და ათასობით იფარვიდა საბრალო ქალი-შვილებს უბედურებისა და ზნეობრივად დაცემისაგან.

ოჯახურ საქმეებს ერთხელაც არ შეუფერხებია მისი ამ გვარი საზოგადო მოღვაწეობა, ასე რომ სამართლიანად დაიმსახურა ის გრძნობით სავსე სიტყვები, რომლებიც უძღვნა ვალტერ ლადორმა, და რომლებშიაც გამოხატულია მისი თავდადებული, უსამზღვრო სიყვარულით სავსე ცხოვრება:

„იშვიათი მაგალითი შეედრება შენს მოყვასთათვის თავ განწირულ ცხოვრებას. შენში ვერ ვპოვებთ ვერც ერთ ბრალსა და ავ საქმეს. შენ მიერ გაწმედლი ავსტრალიის ნაპირები ამიერიდან აღარ იქმნებიან ნებვის საყრდელად, ე. ი. გავარდნილ ავკაცების თავშესაფარად“.

## საეჭვო კითხვების განმარტება.

**კითხვა.** ვის უფრო ეკუთვნის ზრუნვა და თავიანობა ეკლესიის ქონებაზე — მღვდელს, თუ ეკლესიის მნათს; და რომელი მათგანი უხდა ადევნებდეს თვალ-ყურს «სტოროეებს»?

**მაკება.** ეკლესიის მნათე, თანახმად ჰარველი სტატიისა მნათეთა ინსტრუქციისა, ირჩევა, ერთად კრებულთა თანა, მოსაპოვებლად, შესანახად, ან დასახარჯავად ეკლესიის ფულთა და უოველ ეკლესიის ქონების დასაცავად. ამ სახით ზემოხსენებული მოვალეობა ერთნაირად ეკუთვნის როგორც მღვდელს. ისე მნათეს. მამასა და მე ორივენი ვალდებულნი რიან უურს უგდებდენ «სტოროეების» უოფაქც ვას და მათგან თავიანთ მოვალეობის აღსრულებას.

**კითხვა.** საჭიროა თუ არა ო.ბ.ნ. აბაზიანი გ. რბის მარკა იმისთანა ცნობაზე, გვირგვინის კურხვის შ სახებ, რომელშიაც სასიძოს ან სასიძლოს წლოვანება არ არის ნაჩვენები?

**მაკება.** როცა წლოვანება არ არის ნაჩვენები გვირგვინის კურთხ ვის მოწმობაში და მართლ ნაჩვენებია, რომ სასიძო ან სასიძო მართლ-მადიდებელის სარწმუნოებისანი არიან, რომ სამგზითი გამოცხადების შემდეგ დაბრკოლება არავისაგან არ გამოცხადებულა, რომ იგინი აღსარებას აპობენ და ეზიარებიან, და რომ მათ გვირგვინის კურთხ ვისათე ს დამარკოლებელი მიზეზი არა აქვსთ, ამისთანა ცნობების დამოწმებისათვის გერბის მარკა, თანახმად უწმიდესი სინოდის განჩინებისა 30 სექტემბრიდ ნ 1876 წლისა, № 1413, არ ითხოვება მთხოვნელისაგან.

**კითხვა.** მიძღება თუ არა მღვდელს ახლად დანიშნული ჯამაგირიდან შესამ დი ჯამ გირი გამოყერიცნოს იმისთვის, რომ სამრევლო სკოლა ვერ გ-ხსნა თავის მრევლში?

**მაკება.** ამნაირი კნონი ჯერეთ არ გამოცხადებულა და, ჩვ ხის აზრით, არც გამოცხადებაროდისმე. იქ, სადაც მათრანის ცქმთ მრევლს ახდევიაებენ სახალხო სკოლის შესანახავად ფულებს, რასაკვირველია, სამრევლო სკოლის გახსნას ადრ დაეძებენ და არც ბავშვებს შეუვანენ, რადგენ იქ ცოტა ფულს მაინც გამოართმევენ, სახალხო სკოლაში კი უფულოდ იდებენ, რადგან მთლს საზოგადოებას ახდევინ ბენ სკოლის შესანახ ფულს და მასწავლებლის ჯამაგირს.



რედაქციის პასუხი.

სიღ—ნს. დამსწრეს. როგორც თქვენი წერილიდან სჩანს, მღვდელი მართალი ყოფილა, თუ გვირგვინის მაკურთხეველ დიაკონანს ჯეროვანი საბუთი არ ქონდა ქორწინების შესრულებისათვის.

მღ. ასს. თე—მკს. თქვენგან გამოგზავნილი შეწირულების წერილი არსად არ ჩანს.

მღ. ნ. ინწკარგელს. ოდიკი საეკლესიო ნივთების საწყობში არ იყიდება, მაგრამ, თუ ვიწოვეთ მღვდელ-მთავართან, გამოგიგზავნით.

მტაგაღთა. მღვდელთავეს საჭირო კალენდარული ცნობები ჩვენგან დაუროგდება ჩვენი გამოცემის ყველა ხელის მომწერთა. ამ წლიდან ჩვენ გვინდა დავიწყოთ ის წესი, რაც სუფევს ყოველ ადგილას სხვაგან გაზეთების და ჟურნალების გამოსაწერად. ვისგანაც ჟურნალის ხელმისაწვრი ფული არ იქნება მიღებული, მას გამოცემა არ გაეგზავნება. და ვისაც ერთად წარმოდგენა არ შეუძლია, მათ შეუძლიათ ნახევარი წლის წარმოადგინონ წინ ღწინ იანვარში ღ დანარჩენი ივნისში.

კანსტანტინეზოლს, ას'ე რ—გელს. დიდის სიამოვნებით მივიღებთ და დავბეჭდავთ პატარა სტატიებს ზნეობრივი შინაარსისას. გამოგზავნილი სტატია უკვე დაბეჭდა. ჟურნალი თქვენ ყოველთავეს მოგერთმევათ უფასოთ, როგორც ჩვენს კორრესპონდენტს და თანამშრომელს.

მღ. ალ. კ—მკს. თქვენ იწერებით, რომ 1899 წლის „მწყემსის“ ფული უკვე წარმოვადგინეთ, მაგრამ ჩვენ არა თუ ამ წლის წარსული წლის ფასიც არ მიგვიღია და თუ მივიღებთ დიდის კმაყოფილებით გამოგიგზავნით გაზეთს.

მღ. გ. აღ—ევს. კურთხევანი აღარ იმეკონება გასასყიდლად. არის დიდი კურთხევანი, რომელიც ღირს რვა მანეთი და თუ გნებავთ, შემოთვალეთ და მოგართმევთ ფასდადებით.

განცხადება.

მიიღება ხელის-მოწერა 1899 წლისათვის ორ კვირულ გამოცემათა ქართულს

„მწყემს“-ზე

ღ

რუსულ «ПАСТЫРЬ»-ზე

ქურნალის ფასი:

12 თვით «მწყემსი» 3 მ. | 6 თვით «მწყემსი» 2 მ.  
— „რუსული „ 3 მ. | — „რუსული „ 2  
— „ორივე გამოცემაზე“ — „ორივე გამოცემაზე“

ბაზეთზე ხელის-მოწერა შეიძლება როგორც ვეირაღასში, აგრეთვე ქუთაისშიაღ. თბილისში წერა-კითხვის გამავრცელებელ საზოგადოების წიგნის მაღაზიაში, ბ. შიო ქუთუკაშვილთან. ფოთში—დეკანოზ მ. გრიგოლ მაჭაროეთან; საჩხერეში—ყარაჩან ჩხიციქთან; სხაღვინეში—დეკანოზ დ. ხახუჭოეთან; სხაღვინეში—ბლალუჩი მათ არისტარქ კალანდარიშვილთან.

სოფლის მასწავლებელთ და ღარიბთ გაზეთები დაემოზბათ მთელის წლით ორივე გამოცემა სამ მასნეთად.

რედაქციას აქვს კანტორები: ქუთაისში ხანანაშვილების სახლებში და ვეირაღასში რედაქტორის საკუთარ სახლებში.

ბარემე მცხოვრებთ ქურნალის დაბარებზე შეუძლიათ ამ აღრესით: Вь Квирилы, вь редакцію газеты журнала „МЦЕМСИ“ и «ПАСТЫРЬ».

მომავალი წლის ხელის მომწერთათვის დანიშნულია საჩუქრად ხახულის ღვთის-მეოზლის ფოტოგრაფიული ნახაზი და ჩვენი მოღვაწის ბეტონის

აკაკის სურათი,

ბრეტონის ქაღალდზე დაბეჭდილი.

შემოდანიშნულ საჩუქრებს ხელის მომწერნი მიიღებენ ფულის შემოტანისათანავე.